

樊

山

續

集

樊山續集卷六

恩施樊增祥嘉父

晚晴軒集

起戊戌二月訖九月

到省之明日奉司牌回渭南任賦示內子

鵲在音聲樹上鳴西行纔到趣東行拂塵冠劍無三日起早

衾裯警五更

謁謝大府率以質明

大府久知虛席待小民應慰望寬情

鹿車祇當歸田里今日桐鄉是渭城

初入縣署作

昨是鳩巢今鵲居柳邊重認舊精廬撫摩繞屋扶疏樹愛玩
清池活潑魚傍砌扶欄堆燭淚糊窗故紙用文書呼僮縛取
新茗簾鼠跡蛛絲迅掃除

葺治身雲閣成移居其內

明玉窗扉玳瑁梁風簾葉几小筠牀詩箋對壓香獅子衣桁
雙銜紫鳳皇五祖巾瓶六祖偈大宗山水小宗香使君卧關
非無意待出身雲蔭下方

題堂下石榴

去年別花時小紅初破萼梅潯驛人衣被單不堪著今年繞
樹行嫩柳可藏雀兩株安石榴幾爲樵斧斫細葉始蕨蕤青
條屢剪削花枝別主人大似就烹鶴渭人思父母怪我淹京
洛花亦同此情當畫啼姑惡灌以砂井泉護以金鈴索欣欣
生意回紅醋春妝薄置酒芳樹陰妻兒共斟酌待汝綠房成
結子如珠珞

身雲閣夜坐

不論眉宇黃但視鼻端白蒲團一炷香默數綿綿息

入萬四千孔身雲出此中莫爲無縫塢螻蟻不能容

東園

五年別館始圍牆睡起繡書覺盡長紗屣斜暉交柳影綠池
新雨發荷光呼盧坐客無袁彥問字嬌兒賽杜唐冰片角巾
鶴翎扇自揩花碗試茶槍

燈

嶺南佳製玉蓮新金盞蘭膏故未貧有味青編如昨日相思
紅豆是前身蕭寒夜雨宜閒話隱約秋星替寫真願得長明
依繡佛垂花雙照玉臺人

鏡

一段琉璃聖可憐茱萸篋裏貯經年照人秋水生銀浦噓氣
輕雲散碧天無復功名酬歲晚祇應消瘦甚年前沈腰潘鬢

夢山雜集卷一
二
消磨處不在燈邊卽鏡邊

杯

松花淺淺泛哥蕊
瑣小如螺倒好嬉
浮蠟漫斟家釀酒
門雞時有御題詩
一甌淨綠承釵影
半面輕紅浣口脂
新注嫩湯愁炙手
金船乞與玉孃持

香

百花同搗麝同篩
早暮蘭房碧霧霏
三日氤氲敷坐席
一生行住傍簾衣
紅闌拜月和燈點
金閣朝天惹袖歸
宜愛粧成相對語
口香花氣雨依依

燈

風慢蜘蛛墮有聲
銀缸如菽夜森沈
雙頭蕊學花含笑
一點紅知草有心
宿燕啾唧驚夢早
飛蛾解脫受恩深
自從拜得

金蓮賜永夕含睇直到今

鏡

曉妝簪戴簇雲鬢月出當心特地寒人似芙蓉映秋水自拈
湘管寫春山欲求方藥爲卿壽謂席鏡藥莫把圓荷當汝看好學
紫鸞雙照影女牀移近玉臺間

杯

阿母三娘號玉卮奪胎原自出瑤池提攜月白風清夜想像
天青雨過時白傅休將鸞鏡換畢家曾共蟹螯持平生事業
風鏹畔新萍聊堪試一棋

香

香根生長海南天荀令來時意斐然范史餘波成小序楚詞
靈草費長箋羅衣染著春風裏紅袖商量夜雨前郎是薰鑪

儂是窮博山一氣裊雙煙

五月十五夜四更月食

是夕雨甚

元辰已報跋烏蝕大五重占青桂凋飛兔挾雲先匿景癡臺
避雨不爲妖極知雷電功烜赫未覺山河影動搖依舊霓裳
盈紫府蟾臣遙逐衆仙朝

羲堂入都後兩侍兒同時小極寄此調之

郎主脂車事遠游萱芳二草一時愁鎗花照雨茶甌白夢逐
蕭郎過定州

此去黃門驛路遙韓郎詩碣五雲高馬頭新月如長黛定自
垂鞭憶絳桃

西江雜劇最知名不獨潯陽捍撥聲君在豫章城裏住可知
雙漸趕蘇卿

金鴨溫溫夜雨深薄絲腰褥杏紅綾想他對語嬌於燕此際
相如睡未曾

暑窗

漱井餘酣歇欹牀遠籟聞香心蟠福字鏡鼻隱花紋簾竹全
疑水衣羅半是雲盡將湘竹管分付范成君

連心花移卽事

朱欄回繞小筠廊午倦拋書試熟香彈墨紙窗成畫景潑茶
槩几發琴光閒將印牒鈔詩橐賸有官錢起草堂花竹無多
清意足人稱縮本午橋莊

戲贈小兒女

紫蘭堂下日遲遲竹馬泥龍得意時雜劇愛聽元院本短章
能背宋宮詞裁紗泥母囊螢火梯樹呼僮取雀兒面具裝成

眞將相牙牌砌作小臺池書中自夾乾蝴蝶飯後爭嘗蜜荔枝剪綵爲花黏戶牖畫灰成字滿玻璃偶逢佳果和筐買每著新衣映鏡窺看取封胡隨道韞等閒同和謝公詩

阿咸上學

嬌兒七歲授經初識字聰明勝我無弄墨嬌於秦吉了發聲清似鳳皇雛逢人愛說英雄傳泥姊同看列女圖乞汝鏤青三寸管他時高論嗣潛夫

晝夜東園觀菊

午夜芳園溽暑收新翻揭調唱伊州當頭翠鳳排雲出瞞眼紅綃秉燭遊楊柳風多迴舞袖蓮花漏短換歌頭青衫司馬渾無淚不是潯陽送客秋

七夕雨中

靈鵲朝飛鏡檻東窗紗如霧雨濛濛牽絲誰似蜘蛛巧粒粒明珠在網中

銀錢花瓜巧思多秋星掩抑隔雲羅天孫可是羞郎面不肯分明照絳河

十二珠簾晚上鉤露蟾深閉廣寒秋怪來月姊相迴避不見雙星自不愁

曝衣樓外轉輕雷薄暝園林晚鼓催閒坐東軒賞微雨牽牛花下試茶杯

秋興

涼燠俱成適陰晴故不常緊吹月下笛慢炙雨中香判事凭烏几談經坐鹿牀南牆卑溼地猩豔發秋棠

東園納涼

簷牙垂露鵲飛回清話深嫌漏板催拂扇流螢穿竹去照書
涼月上窗來粥香初試紅蓮稻酒渴還思綠茗杯烏木養和
竹如意莫教閒却好亭臺

雨

晏坐東堂思悄然薄陰如墨已涼天荷聲晚送催詩雨井渫
秋添種樹泉斑竹聚頭應有淚紫綾半臂已裝絛溼香炙了
還重炙閒倚屏風數篆煙

種樹

樹人廟堂貴樹木野老心五年蕃嘉植短幹皆丈尋榆柳挺
以高桑栢鬱以深東園數畝地竊如居山林長夏薰風來几
格浮綠陰抱琴處其下上有風蟬吟繞樹多清泉流澆蒼玉
音可以同歲寒可以棲良禽君子重根本勿虞霜霰侵林木

似名節此事當誰任

鋤菜

拔葵有公儀植菜有諸葛二者擇所從爲圃乃家學抱甕讀
農書灌園申儆約奴婢各有營長鬚而赤腳牆東闢荒歲舍
北剗礪礪韭菰連畦薑芋常百穫四旁植瓜豆引蔓周籬
落清秋飽風露香羹賽羊酪伊昔致遠士明志在淡泊世有
蔽根人百事皆可作

蒔花

養花如養嬰當慎寒與暑泉甘而土肥樂於兒就乳張蓋蔽
流金苞茅禦雪雨西北有佳人可無金屋貯春秋美風日柯
葉交楚楚香氣時有無紅心半含吐小蝶爲徘徊流鶯相媚
賦退食一巡檐且爲東風主紅燭夜來看青梅排日煮奇語

後來人勿令藩溷伍

植果

人言百花紅不如五果熟花紅悅人意果熟飽人腹吾亭名
幽欣葱蒨環佳木小花落我牀清陰覆我屋青子俄滿枝經
秋粲紅玉磊落軒楹間微風扇清淑古人誇木奴勝彼牛與
穀青李及來禽辦此吾事足諒哉公幹語華實慎所蓄今廢
丞庶官邢劉誰品目

時廢詹事府

白鳳仙

縞袂亭亭玉砌東開時剛與素馨同蝶翎蘸露全堆粉鳳味
含珠已退紅根葉並曾充聖藥寂寥無分染春蔥冰心未要
人閒識飛落揚雲枕簾中

阿閣三層夜有霜小花開落傍銀牆樓中粉膩秦公主月下

衣襟沈侍郎百搗不登金盞子一生長侍玉卮娘貧家好女
都如此合伴秋階白海棠

曾記丹山選樹巢將雛誤認鶴鳴皋銜來竹粉成冰腦落盡
桐花換綠毛鏡裏玉鸞羞照影鼎中白醵未成膏仙姿那肯
隨鴉去好與超宗門素毫

涼露娟娟百草菲月娥特地借清輝佳人南國拋紅豆處子
東鄰溼素衣種玉庭階蛩語亂洗粧時候雁來稀平生雅有
秋江意寄語東皇莫賜緋

青女來時葉未凋翻翻綠帔掩冰綃籬邊有婢低羅袖花裏
爲奴束玉腰倚竹自憐湘女瘦臨池誰似謝娘么風標公子
時相見可待東廊瞬目招

閱盡炎涼笑彼姝寸心猶得貯冰壺兜娘垂手纖纖玉姣女

含胎顆顆珠移近東欄同夢否迎歸西府有香無秋桑落後
重門掩枉說羅敷自有夫

淡沱秋光處士家小欄高檻任低斜前身姑射山中文本色
唐昌院裏花碾取輕冰歸粉硯翦來豔雪補秋紗東籬信有
人如玉縱賦閒情未是瑕

小謫丹山復見君長離入洛久知聞芳心一串玲瓏雪寶樹
三層樓閣雲面藥已教公主謝頂珠應許狀頭分女牀自是
棲鸞地莫入盧家白燕羣

東園卽事 同文

廊筠倚石瘦松扶曲沼芳荷玉卷舒香荔綠來風扇拂晚棠
紅後雨簾疏黃鶯借樹巡杯酒紫燕驚花落架書牀墮葉聲
琴戛玉雁天斜映綺窗虛

虛窗綺映霞天雁玉戛琴聲葉墮牀書架落花驚燕紫酒杯
巡樹借鶯黃疏簾雨後紅棠晚拂扇風來綠荔香舒卷玉荷
芳沼曲扶松瘦石倚筠廊

寄伯熙

同入世事兩悠悠酒病和愁遣白頭公武笑人無學問仲文
偕客愛風流松壑月挂明珠夜雁路霜迴碧樹秋鴻斷問誰
知念此東溪傍鶴引輕舟

舟輕引鶴傍溪東此念知誰問斷鴻秋樹碧迴霜路雁夜珠
明挂月臺松流風愛客偕文仲問學無人笑武公頭白遣愁
和病酒悠悠兩事世人同

無題

欄曲繞花千種思箋頭雁與寄清詞水飄葉葉紅如錦煙鎖

山山翠似眉
藕白同心將
我許蓮紅蓄
意有誰知
鏡菱如月
佳人照圓夢
綺窗秋詠詩

思種千花繞
曲欄詞清寄
與雁頭箋
錦如紅葉葉
飄水眉似
翠山山鎖煙
許我將心同
白藕知誰有
意蓄紅蓮
照人佳月
如菱鏡詩詠
秋窗綺夢圓

茶乳泛杯香
澹澹竹斑裁
簾絲娟娟斜
釵玉髻飄花
雨淺暈
羅衣染柳煙
萼片一衾霞
妒夢繭紋雙
扇月同圓
鴉啼曉樹
芳情動塔寺
春游記少年

年少記游春
寺塔動情芳
樹曉啼鴉圓
同月扇雙紋
繭夢妒
霞衾一片萼
煙柳染衣羅
暈淺雨花飄
髻玉釵斜娟
娟絲簾
裁斑竹澹澹
香杯泛乳茶

秋夜

愁人玉水送年華影弄風燈照髻鴉秋雁白翎霜掛樹夜鵲
紅淚雨明花鉤簾盡出初黃月碾藥香分淺碧茶樓上懶雲
嬌抱夢修修翠竹映樺紗

紗櫺映竹翠修修夢抱嬌雲懶上樓茶碧淺分香葉碾月黃
初出畫簾鉤花明雨淚紅鵲夜樹挂霜翎白雁秋鴉髻照燈
風弄影華年送水玉人愁

遣興

晴日十分花事好念誰知覺夢春遊清談夜客思中酒擾睡
春人怕上樓鶯囀百花飄笛鈿鳳銜雙帶惹香篝卿髻似戟
須憐愛碧樹芳雲莫說愁

夜客見盧
思道文

愁說莫雲芳樹碧愛憐須戟似髯卿簪香惹帶雙銜鳳鈿笛
飄花百轉鶯樓上怕人春睡擾酒中思客夜談清遊春夢覺

知誰念好事花分十日晴

雨夜有寄

坐近憐身遠離多覺夢親酒添衣上淚詩寫景中人夜雨珠
簾曉秋屏畫樹春數行嬉左帖誰似洛川神

綺懷

蘭芳結佩楚江濱近日何人慰翠顰顰寫文雙寄淚燕釵
敲玉小傷春寒消雪樹新移鳥暖送花香故著人安枕繡牀
虛好夢斑斑晚雨溼簾筠

筠簾溼雨晚斑斑夢好虛牀繡枕安人著故香花送暖鳥移
新樹雪消寒春傷小玉敲釵燕淚寄雙文寫扇顰顰慰人
何日近濱江楚佩結芳蘭

紗窗碧似淡羅雲佳茗香於綠甌春繡枕雙棲雙瑣玉花簾

一曲一鉤銀

近人吳蘋香有花簾詞

小鸞窺鏡粉勻淚斜燕賽襟紅映

人錦製詩箋新試筆霞添臉暈墨添唇

雲羅淡似碧窗紗春瓊綠於香茗佳玉瑣雙棲雙枕繡銀鈞
一曲一簾花淚勻粉鏡窺鸞小人映紅襟賽燕斜筆試新箋
詩製錦唇添墨暈臉添霞

七月廿八日奉電

旨陝西候補道升允渭南縣知縣

樊增祥迅卽來京預備 召見恭紀一詩

小謫蓬山二十春雷封重得荷

明綸臣無白虎當時論吏

愧黃龍以後循時事更非天寶日

主恩猶念杜陵人秋風

倦客垂垂老忍見長安百事新

鴻姪作東園卽事回文八韻小有意致更用原韻廣之

凡十二叶

舟橫問渡遠如何。畫雪開堂有老坡。雌校細書侵碧壺。酌斟
新酒泛紅螺。秋琴夜合松聲慢。雪盞香浮菊辦多。柔綠夏涼
風。榭柳靚紅春。裊雨牆蘿幽叢綺。桂拳芳佩小萼。緗梅繞豔
歌。愁蝶粉沾霜後。蕙暗螢青。點露中荷。鷗邊竹引閒亭水。鶴
外花通曲徑莎。簞屐聚煙霏。碧麝鏡圓窺。月畫檀蛾樓西賭。
韻敲釵玉檻。曲紫香熨袖羅。甌白沸茶聽水調。板紅翻拍按。
雲和悠。雲晚去。書銜雁綺日晴來。字換鶯留燕。賀巢香護夢。
游魚玩沼月添波。

波添月沼玩魚游。夢護香巢賀燕留。鶯換字來晴日綺。雁銜
書去晚雲悠。和雲按拍翻紅板。調水聽茶沸白甌。羅袖熨香
縈。曲檻玉釵敲韻賭。西樓蛾檀畫月窺。圓鏡麝霏煙聚暖。
霽莎徑曲通花外。鶴水亭閒引竹邊。鷗荷中露點青螢。暗蕙

後霜沾粉蝶愁歌豔繞梅細萼小佩芳牽桂綺叢幽羅牆雨
裊春紅靚柳榭風涼夏綠柔多辨菊浮香盞雪慢聲松合夜
琴秋螺紅泛酒新斟酌壺碧侵書細校讎坡老有堂開雪畫
何如遠渡問橫舟

將入都門書懷示客

桑株萬樹關懷最好去東園小袂分黃菊壓霜如傲吏綺琴
迴雪似文君光明戀燭紅蓮朵正麗呈書寶笈雲香圃晚來
由此別翔回一鶴引鸞羣

羣鸞引鶴一回翔別此由來晚圃香雲笈寶書呈麗正朵蓮
紅燭戀明光君文似雪迴琴綺吏傲如霜壓菊黃分袂小園
東去好最懷關樹萬株桑

夜話齋題壁

層層綠樹桂堂東舊話閒溫酒
玳同燈暈竹涼花簾雨湖鳴
松韻玉琴風綾花墨染秋屏
畫帶草香搖夜燭紅藤挂月鉤
簾挹翠冰壺碧沁影玲瓏

瓏玲影沁碧壺冰翠挹簾鉤
月挂藤紅燭夜搖香草帶畫屏
秋染墨花綾風琴玉韻松鳴
湖雨簾花涼竹暈燈同瓊酒溫
閒話舊東堂桂樹綠層層

有感

文如隨陸慚無武聲似劉桓恨更雄
岌嶮壘門能寫勝風流
相業解吟詩身當越下頭
焦後眼見江東齒冷時
名德不昌多與壽
彼蒼深意有誰知

槃水殘纓席不安殷宗舊學典從寬
柳知張緒當年俊花愧
韓公晚節寒久矣曹蜍非葛亮
誰云傳說是甘盤宣威沙漠

公無分當作丹青右相看

前是樊侯後奉春橫行未幾趣和親端居臺閣千夫指括盡
金縢四海貧感慨衛青門下客功名張禹傳中人深源誤盡
官家事却去揚州作幸民

拙政園開一舉觴煙波明麗認家鄉深衣對客仍貂膝小蹇
游山尙紫韁玉手親營三窟計金身不乏五湖裝膠東臺北
新來事爲問師丹可健忘

雨中東堂聽曲

散遣當衙吏來爲顧曲郎鱸熏分雨色簾翠奪茶光遊邏紅
文木參差綠繡囊曲終花未落衫髻染天香

時盈桂
未謝

感事

台符新法日紛更下考陽城拙奉行仕籍那因科目重聖權

端爲島人輕農桑繡旬施機巧子弟金槍襲姓名我是楚人
慚荏弱也如三駕不能爭

夜過連心花窠坐雨

小齋清供似山家木榻橫安布幔斜花外雨香通茗竈柳邊
風色入燈紗雀窺蠻榻新紅紙蛛綴斑筠舊畫叉情話未闌
新酒熱譙門溼鼓又三撾

中秋雨中用七夕韻四首

秋來十日九溟濛積雨生苔小院東爲語純狐好將息今年

長在別離中

夏秋多
雨少月

吹簫打鼓晚來多倒盡花前金叵羅側耳人閒添玉漏舉頭
天上失銀河

秦女年年弄桂鉤滿庭風露醺清秋青天碧海今如此成就

嬌娥萬古愁

瀟瀟吳曲隔花催對酒重聽小忽雷有月固佳雨亦好祇須
纖玉右持杯

留別東園兼示吏民二首

匠斤未已鶴書馳松石依依有去思亭榭真成羅預館桑楊
原是寄生枝燕窺大婦栽衣案魚戀嬌兒洗硯池爲語河陽
種花令種花難是別花時

六年閭井極瞻依眾母聲聞或庶幾士女入懷皆玉燕吏胥
侍側卽青衣袴襦著體方知暖鞭扑違心強示威不獨負民
還負我去官依舊未成歸

將去渭南書懷敘別

當年西笑入長安高詠秋梧幕府寒宣武在前冠任落督郵

相見帶仍寬公私交困誰之過身府俱榮世所難時事多艱
恩不淺東溪祇合負漁竿

五爲劇縣最當時未覺儒家面目非政術迂庸留犢在盜風
衰息佩牛稀閒齋款客家常飯便坐推囚大布衣誤把閒鷗
縛條鉞可應麋鹿受鞍韉

一官避地老青門五見花開渭北春蓮勺山川原漢縣桃源
妻子是秦人幾曾賜履希無棣準擬躬耕效有莘堯舜深宮
思稷契杜陵慚愧苦吟身

草木於人尙有情攀轅何以謝蒼生急宣園令還金馬忍聽
何戡唱渭城多士並傳韓氏學生男都借賈君名他年若望
青牛氣仁見關中父老迎

題交花坊

花樹玉交枝，凝香晏坐時。
物情彈燕得，盡理門牛知。
佳帖開皇甫深杯，倒尉遲當階紅芍藥，未覺是將離。
洋芍藥秋深始開

候代不至戲作

一鶴東來未可知，渭城輕雨溼楊絲。
客如秋燕辭巢晚，卿似春鶯出谷遲。
政畀諸梁如望歲，爰占乙妹屢愆期。
陶公不戀官田秫，更爲黃花駐少時。

示鴻姪仲兒

關內牽絲十載餘，今情古事問琳舒。
每因路熟爲前馬，暫遣身輕謝左魚。
遵路一攀新種柳，還京多載舊藏書。
坐衙大似籠中鶴，今日開籠得自如。

讀八月十三日邸鈔恭紀

邪說支離煽五羊，橫行輦下劇披猖。
四夷待以窮奇禦，兩觀

爭看正卯亡妖亂罪浮張守一逋逃名捕鰲生光爾曹身與
名俱滅萬古尼山聖學昌

吞舟網漏亦何言碌碌諸君枉喪元吹影徒爲嗥日犬代僵
不少據沙蘊疏狂那及金人瑞學術猶慚呂晚村如雪蟬
成底事林清故轍可同論

用前韻再示兒輩

睡起東堂宿雨餘白芙蓉蕾已全舒肉駿尙戀金絲柳冠雀
能銜玉版魚新栗堆槃徵故事早梅乘驛到家書絲尊有酒
姑謀樂解印陶潛意晏如

次韻酬晴谷同年贈別並示令嗣未杭孝廉四首

鋒車一歲兩趨朝疆附無端苦見招老馬祇應踰阜樞倦禽
仁意上煙霄誰云被褐眞懷玉亦有明珠出緯蕭頭白魯儒

蒙薦達詣京特款許乘輅

廿載蓬池罷染翰
瀕行重把鶴書看
非非未必今真是
退易須知進轉難
有客似慚蘇武節
幾人不負惠文冠
黃州練副無援繫
敢望延和侍從官

結綬相從覆盜門
雷陳膠漆互推援
勞心吏事兼文事
託意卮言更寓言
偶儻並驅槐阪馭
衰遲俱受信陵恩

謂定與公

連茹

自昔稱王貢遲爾同趨紫鳳垣

書來剛近菊花期
羣紀遙遙並繫思
豈謂賈生蒙內召
轉愁种放負明時
卿如鮑叔真知己
我有桐鄉恰付誰
柳下一生惟直道
不憂歧路更多歧

贈尹大令卽用留別

少年簪筆賦華林
先後來鳴單父琴
天上玉堂春夢淺
雨中

銀燭夜談深姓名早挂公卿口恩澤常錫父老心千畝渭川
親付與賒看竹箭益清森

樵翁將入關以詩奉迓

雪地冰天遣戍來聲鐘目炬下天街誰翻蘇軾烏臺案自著
李光青布鞋舊雨古傷垂老別新詩今號更生齋九天

聖澤先看到早晚雞竿矗玉階

連得樵翁侯馬聞喜兩書再寄二首

手把琅玕始欲愁行臺無妾護衣簪

用山谷句

歲寒世始知青士

獄急人爭惜絳侯疏勒賢王驍馬錐燉煌戍卒奉貂裘花旗
紅海行俱徧十六名城是近遊

立馬天山亦壯哉尙書爲

國成輪臺無多春色關門柳一

種鄉心嶺外梅日照觚棱紫遠夢雪深青海老邊才朝廷

每飯思頗牧，佇見征西幕府開。

次念初來韻

蓮勺城南草不春，暗風吹柳雨如塵。
九江一謫猶惆悵，況是輪臺萬里人。

雪嶺如龍遠際天，開通戈壁始何年。
斜陽幾樹金城柳，綠到桓公眼淚邊。

秋暮

鬱鬱園中柳，垂條媚小春。
菊迎衣白吏，棗昵齒黃人。
雨久憐香潤，寒多覺酒親。
懸知早梅意，含蕊待征輪。

醉棗十二韻

不分安期棗，陶然入醉鄉。
略師糟鱗法，合並甕雞嘗。
罨處魚棗入瓶時，忌手觸丹成九還足。
薪積百層強，紅助

夢山集卷之二
梨花豔清浮竹葉香幽觥醺蟻綠晉齒漱鷺黃入月罍無算
三冬禦有方赤心酣雨露青骨老風霜投報初微粟徘徊更
落桑餘甘嗤橄欖薄暈擬檳榔肥比餐冰核甜逾割蜜房漢
廷採秋實應恕次公狂

樵翁滿橋道中閱樊山集見和茉莉四律寄鄉國之思
哀豔切情讀之悵悵仍踵前韻寓物抒情兼祝早歸
云爾

海上名香說返魂思鄉絮別在青門來經妃子新湯沐去認
崇徽舊手痕良藥未攜訶子樹小花長憶水香村冰壺俊句
知多少重對樊川翦燭論

鳳城六月忽飛霜狼籍芳華皓玉塘席藁換將方錦褥薰衣
典卻鑲金箱樹皆寒指終歸國花號南強敢僭王何限蜂圍

兼蝶陣漫隨小隊出鷹坊

蕭寺頻牽短後衣淡妝簪戴景全非愁生青海冰霜重夢繞
花田信息稀孟氏一蟬猶貼妥盧家雙燕怯分飛沈吟重爲
膏蘭惜馨烈由來與世違

尙書雖舌漫相憐袖拂金華殿上煙折柳曲中雲漠漠焙茶
香裏雨綿綿雁南雁北逢今歲花落花開祇隔年一種靈均
香草意氤氲終近御爐邊

樊山續集卷七

恩施樊增祥嘉父

柳下集

邵陽中丞見示政府字寄十月十五日奉

上諭令

臣樊增祥來京預備召見恭紀以詩

詔書一再出朝端壇席虛聲又姓樊未必驚駘眞戀豆其如
野鶴畏乘軒榮途不子應難進國是艱危敢易言古有華山
捫蝨者莫爲夷甫與深源

移居

辦得精廬遠市囂陶公門巷柳垂條紙窗竹屋心乎愛軟繡
溫香意也消蕉葉硯頭閒試墨玉梅花下坐吹簫只憐燕子
巢剛定又入東華事早朝

定興公起撫粵東

慈聖垂詢州縣人才獨以增祥

應

詔馳書勸駕期待甚殷感賦二律奉寄

詔起東山赴上都
稟征何意得連茹
武皇下詔曾求士
文母臨軒復用儒
盛府元僚惟我在
季興大厦要人扶
手持南海珊瑚網
網得蕭閒葉令龜

七葉貂蟬出羽林
一官百里久鳴琴
弓刀世綸淩煙像
草土甯忘捧日心
奇木白麟慚大對
承明金馬得重尋
晏公薦士無多許
小范平生感最深

寄爽翁

古事朝廷問仲舒
內遷九列候真除
折衷海上新聞紙

池北偶談

東私小報率有滯洩之禁故隱而號之曰新聞蓋自宋時已然
傳刻人間未見書
斂手棋枰

嗤管豹留賓茶閣薦琴魚
關中故吏行趨闕
待鞋青牛問起

居

酬余秀才見贈

鸚鵡洲邊早繫船，握椒贈我在秦川。
狄香掩冉金荷葉，關柳逢迎玉馬鞭。
覲沼春紅侵曉夢，衣痕慘綠駐華年。
欲知位置才人處，不在金華定木天。

十一月十五日夜月蝕

人生幾見月當頭，喬爾妖臺亦可羞。
竹柏陰中愁對鏡，山河影裏怕登樓。
玉瑩吳質新磨斧，金補蕭梁已勢甌。
一歲常儀經幾劫，終然爲璧不爲鉤。

浮雲一霎掩清光，如缺如環故不常。
明白改來君子過，護持燒盡女兒香。
最思西母長生藥，漸露徐妃半面妝。
待得曉珠明又定，玉川詩意可能忘。

瓶齋卽事

三間暖屋署瓶齋黃卷青氈與我偕
薺少篋茅哥女貴玉無彫琢子兒佳閒舒側理
幕蟲篆巧製迴文演象牌最愛張王
新樂府不嫌詩格入優俳

冰油蘸紙透冬曦腫起山僮進薄糜
新酒黃鸞憐苦口舊壺紅翠豔辛皮
酸羹氣味閒中領茗芋情懷老者宜
香鼎再溫茶再熟青編復與紫明期

暫解銅符學閉關聊將谷董伴蕭閒
五銖泉範爲書鎮盈尺硃砂作硯山
文似蛇蚶琴有疣怪如虎豹石呈斑
消磨白日知何事祇在宜毫庫紙間

呼僮掃地熬烏薪小几唐花自在春
藥煮秦銅通體麝箸包建茗搯皮真
近觀塘報無新政來共卹筒有故人
衣白山人

如野鶴可應重染禁城塵

緹灰初動驗曦光刺繡平添一綫長風字硯頭朝試筆雷文
鼎裏夜添香嬌兒疊勝偷名紙弱女裁緙製畫囊比似放翁
渾不異渭南封邑是吾鄉

倦於櫪馬淡於鷗淺醉閒眠得自由老眼無花惟借鏡吟鬚
勿藥自然髯拙書亦徇時流請步屨閒同後輩游細檢關中
循吏傳有人得似弱翁不

風煙入興卽成章徙倚閒庭遣畫長松到支離轉蒼翠柑名
酥醺半青黃數莖雪竹天然畫一樹寒梅自在香車騎長閒
賓客少更無人事惱年光

堊花澆竹小園西老去襟情託杖藜婦繡羅浮雙翠羽兒爭
爾雅二天雞夜談就火烘酥豆朝食敲冰煮麵梨閒看盧鵠

草堂畫一生心事負東溪

晚菰早韭且隨時菰菜能無故國思直爲花豬謝僧飯莫持
餽蟹薦經師失眠未忍將茶毀不俗何勞就竹醫白酒青蔬
常款客瓦鐺焦飯食無遺

早隨名士過江東幾費當年畫餅功詞愛小龍吟楚雨詩懷
荀鴨慕唐風梅花輩行垂垂老天竹光陰淡淡紅灞柳未青
人欲別題詩記取紙裘翁

讀放翁集題後

我後翁生六百年梅花畫扇見神仙仙髻絲絲擬照湖心鏡

曩與
悉伯

師約卜湯沐都無渭上田張揆舊聞金管底溫煬老學鐵槃

邊風流文筆全相似恰少南園記一篇

吾廬

吾愛吾廬竹樹疏時人知是子雲居陸龍自起三間廡袁豹
能分一半書覆瓦朱藤堪繫馬垂門碧柳未妨車更憐月下
婆娑影買得梅椿手自鋤

自題五十三歲照像

三十三齡印粉眞江南士女見風神消磨二十年來事重現
樊南最後身

十載西京縮竹符老年重捧鶴頭書君王要問蒼生事莫倚
凌雲賦子虛

欲別桐鄉淚不收使君靴鞆苦邀留也如疏俊張安道畫版
流傳滿益州

兩兒頭角並崢嶸咫尺庭階寶樹生莫是當年太邱長膝前
使侍有公卿

漫興

我我周旋意味長得閒還爲覓詩忙
書多擬用淘金法米貴常思辟穀方
丹藥轉成天竹顆冰銷烘破水仙囊
晴來凍硯無勞炙更就東軒煥日光

再題小影

老去雲霄接羽翰漢廷用少且泥蟠
當時一尺銀光面誰與君王進畫看

風景東軒愛晚晴道人如鶴羽衣輕
凌霄花發紅於火記取前身白石生

少日蕭寒白屋貧老來嚼蠟視橫陳
一生孤負填詞手不取楊枝作侍人

世緣終淺道根深託意微書與敘琴
日寫藕花經一紙綺牀

薰陸供觀音

自題雪中照像

南簷松桂玉交枝薄暝園林小雪時
得似王郎風調否軟巾
鶴驚映疏籬

蓴條衣摺玉生鱗雲水光中爲寫眞
漢殿三公虛坐論洛陽
畫卧是何人

一杓桴炭一鉢香茗簪菴中日月長
省識梅花清苦意鶴肥
人瘦也尋常

九華仙岫玉瓏玲兒女青紅滿謝庭
掩映茶煙深竹裏候湯
惟欠一樵青

冬夜

飲罷蘇家藥玉船
昵人銀燭小寒天
梅疏尙待封條雪
茶熟

微飄過樹煙送客燈迴深巷裏哦詩月到繡簾前道人不是
常叅客贏得黃紬到曉眠

題內子照像

道昇四十尙風華閒倚亭欄掠髻鴉井臼自關賢母事妝梳
全似內人家周南綠徧宜男草洛下紅深命婦花我亦當年
句漏令與君携手訪丹砂

伯平招集市樓卽席有作

來就黃壚飲一鴟萬家煙雪錦離離座中甘露生茶椀樓上
明星揭酒旗官俸少金憐馬瘦故園多水念鴻飢山公酩酊
堪圖畫乘月歸來倒接羅

午橋廉憲入關以詩奉迓

露冕來觀二陝風東方千騎指河潼功名尙恨三十

平晚政

術誰如陸九工臺柏有霜輝繡多嶽進擎雪侍金狨道旁自
整參軍帽今在桓公駕馭中

次韻酬午憲贈別之作

漢廷前席至今虛田叔殷勤進孟舒治行每慚三輔最迂庸
不識六蕃書十年古鏡憐潘緯一曲菱歌賞慶餘長恨西方
阻秋水采苓今貢玉堂廬

再疊前韻呈午公

長愧名如畫餅虛提刑欣見路溫舒單門久困停年格夾袋
深緘薦士書漢詔再來徵渤海唐家還恨失夫餘廿年莊助
風塵老可得重還金馬廬

三疊韻呈午公

座有朱雲閣不虛小花落蘂蒨梅舒知人妙得觀心法治獄

常矜下手書

周禮司市以質劑結信止訟鄭注質劑猶今下手書也疏下手書即今畫指券祥案今兩造具

結亦以指印牘尾

出處俱爲名所累追陪猶及歲之餘何時身入青

松畫小隱田盤共結廬

四叠前韻言志

舊麗文章秦太虛華如桃李一時舒一行作吏疏魚鳥豈不懷歸畏簡書門戶衣冠非楚望破殘金石是秦餘十年氣蓋關中客未敢輕過許史廬

次韻酬劉蓉舫前輩贈別

漢武愛少年宣仁用宿老小臣捧日心有如丹鳥抱大廷亟推轂巖幹事幽討昔愧雉依桑今爲魚在藻牽絲游關中倏已逾五考公御甍鴈來一見罷爲倒稱引每過情人好鳥亦好公昔坐南牀百職憚諫草殿檻旌朱雲中涓惛黃皓猛逾

蒼鷹擊棘甚川椒擣汲直終見疏臣門跡如掃衣繡來西京
歲寒交相保詒我河梁篇落紙珍珠小春至歸昌鳴天晶霜
翻矯顧惟贈言義忠信以爲寶世儒競新法君子遵中道但
恐補牢遲勿嗟求夜早

丑登韻呈午公

煉石媧皇御紫虛一時新政改荆舒縣庭早謝魚鱗省闕
頻馳虎爪書驥老幸無芻豆戀龍銜分與燭光餘西州張裔
眞男子得附成都長史廬

謂仲華相公

憶東園

憶昨芳園挈酒瓢露花風葉晚飄蕭書鈔日課三千字

時方寫刻

悉師日記

基路平分十九條柳下已虛中散鍛雪天空負有丞蕉

畫妃亭畔笙歌歇何日重來聽綠么

歲暮有懷意園

王孫居處是蓬萊月榭風廊迤邐開
扁字多重唐殿閣錦花
猶見朱樓臺泉香北院頒來茗雪亞東欄轉處梅阮屐不來
三徑晚誰將金齒印蒼苔

再寄爽翁

公是純陽鏡清明照十洲賦才有仙意棋勢得神頭

用顧與言與日

本王子喉舌宣天語風趨轉地球薛公門下吏四海一朱游

夜過午公共飯六疊前韻

譙門疊鼓夜窗虛入戶清光見望舒佳句懷中探錦段公移
燈下押花書酒香甚欲羹魁陸米貴常思飯祝餘捉麀從容
論書畫亦如鴿市舊精廬

寒夜失眠加已猶寢適廉憲過訪惶遽起迎七疊前韻

解嘲

日晏猶眠爲腹虛

用放翁句

莫將善睡擬荆舒蓬門已枉星言駕

柴几還攤夜課書顛倒衣裳迎戶外平章圖史趁公餘仲先驚覺游仙夢總爲萊公過草廬

午公屬題瑯琊碑拓本敬賦長句奉呈

帖爲淮縣陳受卿太史命工王

西泉用佳紙精拓較舊搨爲勝

秦皇東巡臨碣石二世繼之親駐趨伐石紀功表東海瑯琊臺上穹碑立丞相臣斯受帝命蛟龍飛動纏銀筆寶書雲篆三千年天風海濤不能蝕扶蘇不爲天下君由來天意當亡秦輶輶已載鮑魚去篝火遂假妖狐言泗亭白蛇孽大業上蔡黃犬徒悲辛蘭陵一傳遽灰滅至今戈磔愁風雲蠶蠟紛綸千萬本字腳模黏混蛇蚓淮陽老儒金石家洗剔泥沙露

昔琬澄心堂紙奚珪墨槌拓精新文不損祇覺圓稜蝕古釵
誤疑鉤爪來秋隼君不見東吳太史長國學周宣十鼓生廉
角平中得凹缺者完坐令阮薛輸汪拓又不見醴陵父子皆
好奇登岱手搨沒字碑靈文突兀出霞表文曰震帝蟠雲螭
搨手精麗信殊狀巧拙何止論尋丈匄齋此本襲金箱髣髴
星辰動角亢吁嗟乎漢碑已泐秦尤難五嶽洞闕薶寒煙野
火遽焚郭香寮家雞空集柳誠懸元時瑯琊碑集柳書爲之卽今紅桑滿
東海樓臺疊氣虛無間戈船鱗集威海衛火車雷動膠州山
中原文字球圖重妙墨瑯琊翦鸞鳳要令斯猶懸日星肯與
臘丁論伯仲齊魯諸生守綿蕪乘槎羞鑒張翥空今我勉爲
東武吟願公繼美中興頌

戊戌東坡生日午橋廉憲招同西屏刺史署齋小集八

九疊韻留別

去年鉞畫樓中宴望遠傷離半慘舒燒葦久拋寒食卷

去年今日

集南海侍郎宅伯熙出東坡寒食詩與共賞

折梅愁寄嶺南書官廚玉慘調羹夜

小閣松風試茗餘更乞虎頭作佳畫要令真面似匡廬

公偏西屏

作送別圖

元祐需才信不虛自黃移汝意稍舒金蓮燭下朝天夢銀簪

盤中與弟書

公以銀碗贈別又屬寄仲綱書故用東坡以銀簪盤乞子由事

馬范兩賢俱見

待鼂張諸子盡其餘公來我去休相惜東府梧桐有舊廬

乙未之春鹿溪院長得樊山集惠題三律頃始見示依

韻奉酬

浣花一老才無敵心折猗玕示吏詩青眼高歌雙不律白頭
供養一軍持君眞千仞翔孤鳳我愧當關說老罷手把瑤華

賽冰雪蜜梅香裏駐金卮

朱陵洞裏蒲團在朝蹟收來二十年粥饌尙傳臨濟火詩囊
深貯九疑煙開亭放鶴愁無地臨水看魚且信天惆悵蜀岡
歸未得梅花時節一潸然

鄭盦逝矣風流盡坐使邱園老異才江左衣冠夷夏半梁園
賓客死生哀蒲輪有日徵轅固荆布無人伴老萊今有黑頭
王仲寶紅蓮如火爲君開

謂端
叅訪

小照得鹿翁題句次韻報謝

清朝覽明鏡知我道緣深馬瘦仍高骨梅疏祇素心井花供
晚漱庭草入閒吟自識然明面酬詩直到今

我我周旋久君來笑听然南州孺子榻西蜀老人泉散木乖
時用遲花喜聞年何如畫雙笠

湯雨翁有
雙笠圖

松下雨雲仙

午憲以銀碗漆器贈行十疊前韻奉謝

從此尊中酒不虛霜橋月店意安舒提携久已煩銀手陳謝
惟當用漆書飲具也同秦策贈壺殮俱是楚波餘行窩安貼
堯夫笑尤勝青門柳下廬

樊山續集卷八

恩施樊增祥嘉父

赴召集

戊戌十二月二十七日發西安午橋廉憲西屏刺史張
伯平朱若卿蔣銘卿劉星齋饒獻之饒用九諸大令
宋枬枰謝堯卿兩少尉蘇青培趙界之趙寶衡三茂
才枉過送行口占二十八字

一曲陽關駐馬聽飛揚旌旆集都亭相思不斷如芳草直到
春明步步青

渭南行館除夕八首

渭南五度逢今夕今夕吟詩是尾聲三復鵝黃新柳句餅家
傳唱不勝情

候館梅花一兩株舉家花下飲屠蘇冠靴還了常年例紅燭
如椽照讀書

車騎重來感歲華童男騎竹女簪花桃符身世無新舊我與
桐鄉是一家

兒女青紅歲轉新太平鼓打六街春消他駟馬門前拜多少
于公舊吏人

東道殷勤致扞擻暑齋燈火小淹留半生孤負西堂雨今夕
逢君是子由

舊栽花木養風煙重過東園一悵然牆內芙蓉牆外柳雪中
禁得主人憐

繡被濃薰金鴨煙垂垂燈蕊意珠圓旅涂不與朝元事爆竹
聲中自在眠

從此韶光滿十洲花風二十四番柔春明此去花如錦冉冉
紅雲簇馬頭

潼關旅夜遇楊伯裕同年談命

班生何意逐飛仙遇巷功名信偶然時事悠悠吾亦懶挑燈
重算小行年

風陵

煉石靈媧久上仙至今坏土尙巍然風雷夜徙雙株柳日月
長懸五色天蒲阪近通堯女訛蘆灰功在妣王前下臨九曲
崑崙水常有蛟龍守墓田

夜宿牛頭鎮

一作牛社

臥聽馱鈴語不休暮霞飛雁兩悠悠微吟自喜詩脾健薄醉
方知酒力柔新月一鉤銜馬尾春燈數點識牛頭三椽瓦屋

步山齋集卷八
臨溪店可似樊橋舊酒樓

蒲州道中閱題壁詩戲書其後

敬文苗立總能詩塗徧蒲東及絳西亦有老人書亥字祇無
幼婦配辛蠶徐凝筆待山泉洗嵇喜門應凡鳥題誰草漆屏
吟月蝕燈昏吾亦醉如泥

曉行

平楚蒼然露未晞車箱鼃日已暉暉山含遠翠欺眉萼柳送
輕寒襲耳衣薄宦琴書雙衛健孟春村落百花稀龐公妻子
同行役挽鹿辛勤未是歸

蒲東懷古

蒲東古寺巢春燕玉鬢花顏今不見礪水如鳴綠綺琴晚霞
尚學桃花面少日耽書韻會真仇英畫裏識雙文不如沈亞

偕秦主略比陳王賦洛神清河年少堅孤性海棠未下梅花
聘琴劍蕭然謁上京目成近在河東郡門第先朝宰相家平
陽嬌女豔於花久爲彩鸞求伴侶頗嫌碧雀少風華嬌孤流
寓蒲東乍八百青衣從遣謝慈母長齋繡佛前佳人待月西
廂下結束腰身效楚宮解彈迴雪是琴工不櫛才華堪繡虎
侍兒風致亦驚鴻銀鎗不肅軍心變大掠蒲人似星散故相
資裝邸閣深明珠異錦人爭羨複壁藏兒作計疏虎狼百萬
瞰庭除誰知月姊長生藥祇在蕭郎一紙書風波已定初相
見主客中堂啟芳宴小玉催人出拜遲東風一樹梨花怨渴
疾從茲苦見侵憑教綠牖遞芳音暫將折簡酬君意終以還
珠誓妾心阿閣那容飛赤鳳瑤臺勿復遣青禽華如桃李情
何綺語帶風霜諷已深虛堂枕簟涼如水判將身作枯魚比

消息傳聞到畫樓相思淚落連珠子情知仲子畏人言忍使
伯仁由我死夢作巫山一段雲繡衾雙覆鴛鴦綺神女朝朝
暮暮情拂牆花影費逢迎春風理曲琴雙瑣夜雨彈碁玉一
枰佳期有盡歡無極文調催人赴京邑怡聲婉色入郎懷釵
挂冠櫻淚沾臆商婦琵琶忍過船天孫錦段須成匹薄倖休
爲李十郎霍王小女紅窗泣清潤潘郎去不還口脂花勝枉
情牽中庭紅蕙開成雪誰與蕭娘畫遠山文竹漫貽茶碾子
綵絲猶繫玉連環報書宛轉春蠶繭折向花前不忍看旁人
拾取秋風扇外兄有意還求見粉紙重題決絕詞香盟久負
長生殿吁嗟乎輕薄微之解屬文強將尤物喻殷辛隨風誰
念楊枝弱結子空驚綠葉新女兒心事東流水幾見瑯琊爲
情死不許文君逐故夫終嫌宋玉孤鄰女當時一再拂金微

怨曲哀音恰爲誰身後填詞王實甫生前作傳李公垂伊余
三過蒲東寺佛院苔深花滿地欲與高僧證畫禪雲房徧寫
西廂記

人日聞喜道中

獨樂園荒感不勝涑流清泚照行勝柳青似黛嬌臨水麥淺
於苔綠滿塍七日一對從事酒上元多畫美人燈銍車紅鶴
樓前過岸幘來登最上層

信美八首

信美河東地驅車數往還紅霞安邑樹青玉霍州山隴麥纔
抽甲林花欲破顏上春好風日消遣馬蹄閒

信美河東地名都啟舜堯論兵思上黨招隱過中條屢聞并
門戍時逢谷口樵平生論出處表聖獨超超

信美河東地唐風卒未更冀方原舊國曲沃是新城雪積雁門塞霆驅馬邑兵山河相表裏長得主齊盟

信美河東地消磨幾霸王貉狐交勝負粘癰竟飛揚形勢今天險耕犁古戰場神機思太武生致赫連昌

信美河東地衣冠盛北都五材豐勁鐵千里產名駒劇飲看長劍高歌擊唾壺全操建瓴勢奇險在飛狐

信美河東地全消萬古愁主誇三不殆臣有四宜休唐壘徵前事汾簫據上流皚皚姑射雪誰從列仙遊

信美河東地輪蹄感歲華京坻皆舜稼沮洳出汾花絳縣多

遺老銅鞮幾舊家太原兩公子風誼是侯範

門人姚伯蔚昆季時居太原

信美河東地鱗原入望分水禽千點雪花馬滿身雲河渚寧無酒霜翕最有文功名讓房杜吾欲老河汾

東去

東去并汾道路長，軟輿終日看山忙。
一彎娘子關前月，幾瓣夫妻廟裏香。
綠甕開時驕北府，粉牆隨處畫西廂。
亭總是會經路，時有樊川墨數行。

山西道中寄贈張捷三軍門

唐先余十口入都

舊總天山十萬師，後來覲玉采恩經。
過澤潞談兵地，想像崆峒倚劍時。
直取長鯨供茹蘗，盡圖猛獸上旌旗。
與君同出三明里，器業誰如皇甫規。

旅興

一唱還京樂驂駟，大道開十千沽酒去。
兼雨載書來，冬蓄多紅棗。
春寒數墨梅，五雲高處望金碧。
絢蓬萊。

宿靈石有懷同年何壽萱廉訪

君亦將入覲

當年駐馬題詩處

詩見西征集

此是君家履道坊烏府十年三出

入

君由御史觀察肅州今又陳臬甘肅皆不離身節

紅梨同甲半存亡金鑒獨對陳

西事繡斧初春過故鄉一昔蘇晁同補外老來先後謁明光

謁韓侯廟

國士無雙不易尋項劉輕重視淮陰
假真總有王齊意面背都無負漢心
賤日守墳規萬戶貴來餐飯報千金
平生愛讀英雄傳獨爲君侯淚滿襟

功高何止王三齊躡足帷中伏禍機
早日笑談擒魏豹晚來結託誤陳豨
誰能北面師降虜恨不東歸守釣磯
萬古忠臣遺像在風雲朝暮擁靈旂

再題韓侯廟壁

赤帝功成猛士輕未央宮裏淚沾纓
王孫誤學魚吞餌娥姁

終教犬就烹漫以肩隨愧樊鄴直憐手滑及黥彭漢家不相
無雙士中下人才用勃平

靈石之南三里許有一村危立山半陶窺宛然直上三
重排連十丈雕牆周繚綺窗洞開望之若列仙之居
也日暮不及往游記之以詩

原嶽何年啟道場七盤危陞接仙鄉巧偷閭李丹青本返照
蓬萊金碧光朱閣排聯三藻井白雲出入十花牆會須一濯
黃塵足茗具親齋宿上方

謁郭有道墓

三君八顧總寒煙宿草離離此卜阡一飯從容知孝子同舟
丰采見神仙小顏巾角闔風氣不愧碑銘是大賢多少儒人
嬰黨既超然黃鵠在高天

介休道中

兩渡東頭柳弄煙
鱗雲敝出老晴天
山明微雪青螺髻
塔倚斜陽紫馬鞭
汾上又飛才子雁
縣中多種善人田
昨朝巨石礮礮轉
隔宿籃輿夢未圓

介休鐙詞

銅街車馬宛如龍
兩面花棚淡蕩風
恰似春星千萬點
銀河一道貫當中

星橋十丈亙天街
曼衍魚龍隊隊來
莫是瑯琊新幕府
紅蓮千朶一時開

串串明珠奪月輝
琉璃無縫任風吹
鳳皇倒挂銜雙帶
宛轉流蘇到地垂

斗樣方燈製作殊
冰油四扇白紗糊
并門亦有丹青手
盡畫

麒麟閣上圖

飛舞雙龍鱗鬣殊通身解數極盤紆看他首尾渾相應祇趁中間一顆珠

驀聞簫鼓起汾流銜尾紅魚在後頭陸地展開五湖水美人輕盪採蓮舟

鬢花蓮草顛丫蘭弓履青珠小鳳銜身作美人燈一盞月中搖曳茜紅衫

閱盡花棚鼓笛幽雙臺對起賭歌喉不須更打春燈謎駐馬蕭蕭聽石州

太平洪洞皆有豫讓橋直隸邢臺亦有之戲作二詩寄顧晴谷同年

人貴有名豹有皮名成天下假借之漆身吞炭者誰子三橋

夢山齋集卷八
並以國士題彼一豫讓一無卹三處報仇同一日方今國難
十倍急如讓比者得其一頃刻化身千百億匕首所至風電
疾盡殄仇頭吾願畢

漳濱疑塚七十二阿瞞身自施狡獪漆骸化土今千年燕晉
紛緝相附會伏波銅柱凡幾建孝侯蛟臺亦雙峙今我題橋
及再三癩啞真形竟誰是惜哉不遇覃溪及季述懷古詩中
考輿地移書乞取顧寧人斟酌一橋置國士

榆次元夕

隱隱嚴城畫鼓催市聲如聞復如雷春風客路經千里圓月
今年第一回陌上秋千輕甚柳盞中半九熟於梅太平元夜
并州過兒女欣銜竹葉杯

徐溝道中

十乘安車障碧油曉風吹夢過徐溝玉鞭漫策公孫馬芳草
時逢子母牛生菜入湯供鼎飯野梅和雪點茸裘燈紅酒綠
家家喜士女如雲滿陌頭

正月十六日大風過太安驛遇雪

佳節傳柑景又非天容如墨凍雲垂昨矜禹主扶雲手今誦
昌黎見月詩宛馬如龍歎玉處春風似虎落燈時連村尙蕪
平安火勝異從容莫見欺

雪夜宿清平

數椽雪屋駐行旂此是瑤臺第幾層火樹星橋都過了欲從
青主門冰燈

雪中過土陘嶺

鋒車曉出青羊谷卓女燒春勸一杯十里風花仙蝶趁一條

嶺路白龍迴人從羣玉峰頭見鶴傍三珠樹畔來手把絲鞭
純漬粉錯教人認折枝梅

雪後過辛興灘

離離煙雪見人家下有璇源一道斜
晷畫林巒交粉翠新晴浦澈見金砂
陰崖半露巉巖玉遠堞微分澹澹霞石戶
老農眞失喜茅檐暖酒話桑麻

填平七二灘頭險健馬輕輿取次過
鍊汞一時成地鏡鋪銀隨處走天河
中原有土俱乾淨舉世無人遇坎坷
東去天門還小憩老夫安樂有行窩

雪後過四天門

玉龍戰退蛻鱗多繞雷封泥不啻過人望
九重天直上山如十萬劍橫磨

仰視鮎魚上竹竿俯窺峻阪走銅丸人生總羨青雲好其奈
天梯上下難

車輪生角馬虺隤終日碎句轉怒雷我趁東風過嶺去擔頭
猶帶一枝梅

叱馭王尊意豁然寧憂虎豹守天關直緣心地平如掌九折
邛崃只等閒

危巒虎踞復獅蹲上到巖關第四番記否中南禱靈雨梯雲
更有五天門

山形三百里巘崿玉峽蛟潭互接連直到清風明月店卻來
平地作神仙

過平定州悼李兆勗汾生同年

君以病乞休主
平定講席尋卒

雲亭經過重淒其絮酒無因薦一卮金馬浮沈移病早玉杯

零落著書遲延年未問長桑術遺稿誰收短李詩三百同年
如雨散羨君生死太平時

途次書見

臺閣

傘簷巾角立飛仙水佩風裳故儼然王母侍兒皆絕世等閒
騎鶴下瑤天

火塔

八萬四千非幻相浮圖金色照人間都將縮本黃妃塔燒作
西湖寶石山

十番鼓

子弟三班巾服殊逢逢腰鼓間笙等不知豆子山前瓦及得
花奴雨點無

九蓮燈

四角垂鈴綠葉扶神祠隨地挂流蘇合教龍女司香火九朵蓮花一串珠

正月十九日板橋旅次示鴻姪

回頭已擲北天門息駕山郵白日曛元夜月明連燕九到家
花事近春分嬰螺小瓊黃藤酒春蚓斜行白練裙明發茸靴
騎馬去鞭絲鼻蓋板橋雲

自井陘至獲鹿所過青玉峽翠蛟潭皆險道也紀之以
詩

羣峭摩天巨刃揚中間無地著康莊爾如金鎖千尋盡峽較
空舲一倍長辭晉漫騎紅鶴背入燕新發翠蛟光詰朝穩渡
滹沱水草軟沙平是樂鄉

旅中贈內

油壁車輕再入燕
并州見月喜團樂
天門路險含顰過
祁縣燈繁帶笑看
玉燕搔頭敲夜永
紫貂回脖護春寒
莫嗟憐壼勝憐母
作得門楣似汝難

再用方順橋舊韻寫懷

夢入幽州山挂絲
題橋心事不謾欺
燕臺詎肯尊騎劫
漢吏如聞用杜詩
尚有紫駟隨舊劍
可無青鼠換新詞
宣南此去春如畫
好在梨紅杏白時

將至都門先以一詩寄許景澄竹簣侍郎

再迴使節又明光
信有神仙作侍郎
藜杖更從天祿倚
機心全爲海溫忘
陸生與酒爲橋枕
何子稱詩是鳳皇
玉斧十年渾不見
白頭相對感滄桑

登前韻再寄竹簣前輩

願爲蕭鄧輔高光
掾屬無非粉署郎
白璧持歸城不易
紺珠在手事無忘
枕函筆記題香祖
棐几薰鑪供墨皇
官職聲名兩無憾
更饒眉壽似東桑

過真定大佛寺戲題

身是須彌千仞山
三層樓上湧華鬘
誰將帝釋龍天貴
置在滄獅景塔間

趙順平故里

銅卻偏裨迴不如
關張威猛定無殊
通身膽氣能當魏
特筆文章諫伐吳
身後武侯思將帥
時危先主付妻孥
冲人若仿雲臺畫
首列當陽躍馬圖

登前韻寄爽翁

入爲卿寺值華光曾是當年主客郎
奇字六蕃俱可識遺書三篋了無忘
北風隱語探金使奎宿長言奏玉皇
何限遠夷煩制馭未宜歸計問柴桑

伏城驛店壁見新疆故人題句感賦四律卻寄

新城粉壁見君詩無復紗籠與護持
遺老定歸潁濱早謫仙恐到夜郎遲
書生舊客蓮花幕土物新賡茉莉詞
亦有歌兒來勸酒教回紅袖掃蛛絲

橫穿戈壁過崑崙衾鐵稜稜臥不溫
益地圖從西母借賜環詩共北江論
冰天扶護需桃葉沙土蕭鬆植菜根
萬里了無遷謫意未須生祭蔣蘿村

天山側畔荷瑯戈不信鸞皇在尉羅
日荅百函才未盡手鈔八賦字無訛
歸鴻晚睇還珠浦健馬朝騰採玉河
他日重繙

行成稿秋筵一集雅音多

極天紅柳識邊愁亦有江南景物不時挽大黃來射虎欲攜
二草去騎牛朱門雨散三千客青海霜侵半箇頭見說斜川
隨杖履好將玉糝伴蠔油

過明月店

安車重過葦橋西月店從容覓舊題香炷寫詩聊代墨燭煙
熏畫半成鰲新醅過臘黃於染稚柳嬌春綠未齊去飲定州
城下水粉瓷茶器手親攜

望都道中詠新柳用漁洋秋柳韻

換歲纔甦倩女魂鵝黃裊裊映閒門身材十五韶年紀眉樣
初三淡月痕岸曲未遮青雀舫條疏遠見白牛村舍人欲寫
東風照待到清明與細論

玉雁飛回夜有霜輕鉛淡粉下銀塘綠波泮後方臨鏡紅豆
拈來未滿箱少日已同城北美待年休嫁汝南王會看百寶
流蘇影挂向天街碎錦坊

莫唱秋娘金縷衣初眠剛起二眠非寒猶似翦聽鶯早弱不
勝鞭繫馬稀碧玉改名呼小小黃金論價買飛飛未須惆悵
芳菲節奪得鸞篋願不違

細腰風致可人憐抱得藍橋暖玉煙京兆早朝眉未畫西施
學舞力猶懸妾非桃葉羞先嫁兄事梅花長幾年客舍依依
一杯酒離情長繫渭城邊

春柳用漁洋秋柳韻

並非南浦也銷魂芳樹萋萋覆益門鈿轂兜回銅陌路春衣
染就綠波痕夕陽流水纔雙堰碧瓦朱橋又一村頗憶漢南

風物否違昌約略可同論

穀雨前頭已斷霜青簾白舫艤橫塘忍教葉底穿金鏃莫待

花時賒寶箱

暖衣最忌楊花

畫裏頽顏雙燕子詩中傳唱小秦王自

從教得楊枝舞豔煞香山履道坊

嫩於金色內人衣思曼當年果是非端正樓頭三月近永豐
坊裏兩星稀不聞笛語聞鶯語未見花飛見蝶飛拾得鳳文
鈿上翠玉京風景一年違

霸亭拋擲漫相憐玉蝀橋頭漾綠煙殿閣清陰思蜀貢汀洲
春服卸吳縣紅欄碧水長眉黛白馬青絲俠少年雨亦纖穠
雲亦美始知身近液池邊